

youthmag

N 264 | DECEMBRE 2021



Fir Kanner a Jugendlecher:
—
Dës 8 Säiten
kënn dir
erausrappen!
—

E Réckbléck op 2021	02
Aktivitéite vum Jugendhaus	04
Neiegkeete vum Jugendhaus	06
Molconcours fir d'Kanner	07

E Réckbléck op 2021

LU — E spannend Joer geet esou lues op en Enn. Och wa mer, sou wéi vill aner Leit, net alles konnte maachen, wat mir wollten, hu mer probéiert dat Besch draus ze maachen an hunn awer trotzdeem vill flott Saachen erlieft wéi zB d'Animateur Formatioun vun där och e puer Participanten eis am Summer bei de Vakanzenaktivitéiten begleet hunn. Mir hatten Zukunftsdiplom Weekender, hu vill gekacht, gebak a gebastelt an hunn eist Jugendhaus neigestalt. Mir ware Kanu fueren, Klammen, Wanderen, Vélo fueren, hu BMX Workshope matgemaach, sinn an d'Phantasialand an an den



Europapark gefuer, hunn eis a verschiddeenen Escape Rooms bewisen, een dovun huet owes am Bësch stattfont. Mir hunn de Bau vun eiser Toilette um Klammsite zu Audun finaliséiert, mir hunn ugefaang Radio ze maachen, flécken nach ëmmer Véloen an eisem Recycle Planet Workshop ... Alles kënne mer hei guer net ernimmen – dat géif einfach ze vill Text ginn.

Hei e puer Fotoen aus engem spezielle Joer 2021.





Aktivitéite vum Jugendhaus

Programm 2022

2022 geet et weider mat ville flotten Aktivitéiten. Hei scho mol e klengen Abléck an eise Programm, do kommen awer nach ganz vill Saache bäi, zéck also net dech bei eis ze mellen, wann s du eng Iddi fir eng Aktivitéit oder e Projet hues.

Snow Projet	12.-20.02
Animateur A Formatioun (Weekend 1)**	26 & 27.02
Animateur A Formatioun (Weekend 2)**	26 & 27.03
Boulderweekend zu Fontainebleau	04-06.04
Zukunftsdiplom (Weekend 1)*	23 & 24.04
Zukunftsdiplom (Weekend 2)*	07 & 08.05
Citytrip Stroosbuerg	23 & 24.05
Citytrip Maastricht	25-27.05
Teamdag Animateur A Formatioun**	04.06
Vakanzenaktivitéiten	14.07-15.09

Datumer 2 Weekender mat Iwwernuechtung (evtl. och dobaussen!):

Hei ginn all aktuell Covid-Mesuren respektéiert!
26. & 27. Februar 2022 / 26. & 27. Mäerz 2022

1 Teamdag: 04. Juni 2022

2 Deeg Mini-Stage am Schëfflenger Jugendhaus: D'Datumer heifir gi mat dir zesumme festgeluecht

WICHTEG: fir de Certificat ze kréien muss du all déi Deeg do sinn!

Umeldung

Wann s du tëschent 15 a 26 Joer hues, fir all dës Datumer disponibel bass a Lëtzebuergesch verstees, da mell dech un andeems du eis däi Numm, deng Adress an däi Gebuertsdatum schécks:

per Mail op jsmith@youth.lu

oder per Message op Instagram op *Schëfflenger Jugendhaus*.

Präis Montant:

55 € (D'Sue sinn den éischten Dag sur Place ze bezuelen!)

Mir freeën eis op dech!

Froen zu der Umeldung, de Certificaten an dem Inhalt vun der Formatioun:

Froen zu de Brevetén B - F vun der Animateur-Ausbildung:



Schëfflenger Jugendhaus
Mme Janine Smith, jsmith@youth.lu
Telefon JH: 26 53 08 50 oder
+352 691 250 105



Service National de la Jeunesse
24 78 64 64



B.P. 11 L-3801 Schiffflange
54 50 61 - 1

*Zukunftsdiplom (ZD)

Ee vun eise gréissten Ziler ass et, alles wat eis Jonker an de Jugendhausprojete kenneléieren an déi ganz Erfarungen, déi si sammelen, fir hir Zukunft **notzbar ze maachen**. Dofir ass viru laanger Zäit den Zukunftsdiplom entstanden. Di Jonk kënnen un den ZD-Projete deelhuefen, nei Technike léieren, hir Kompetenze verbessern, iwwert d'Relatioun vum Mënsch an der Natur reflektéieren an zum Schluss eng Zertifizéierung kréien. Doduerch hu si d'Méiglechkeet de CV opzewäerten an dëse kontinuéierlechen, fräiwëllegen Engagement unerkannt ze kréien. Well ëmmer méi dacks verlaangen d'Patronen en ausserschoulescht Engagement. Duerch dës besonnesch Bewäertung kritt de Patron e méi kloert Bild vun de BewerberInnen.

Wat sech elo esou komplizéiert unhéiert, ass an der Praxis ganz einfach. Di Jonk erkläre sech am Ufank bereet am Kader vum ZD un hire Liewenskompetenzen ewéi beispillsweis Selbstkompetenz, Sozialkompetenz oder Risikokompetenz ze schaffen an ze reflektéieren. Fir dat heit ëmzesetzen, kënnen si sech reegelméisseg fir Projete oder Aktivitéiten am JH umellen an deelhuefen. Duerch d'Erlief-



nes vu 5 verschiddene Projete kënnen si den éischte Level, den Teilnehmerlevel ofschléissen, dono kënnen si hir Mentorfähigkeiten a 5 weidere Projete verbessern an zum Schluss kënnen si all déi Erfarungen an engem fräiwëllegen Engagement vu puer Deeg am JH weiderginn. Dann ass de kompletten Zukunftsdiplom ofgeschloss.

Wann s du Interessé hues oder nach Froen, komm roueg am JH laanscht oder kuck op eiser Homepage schefflenger-jugendhaus.lu.

**Animateur A Formatioun 2022

26.+27. Februar | 26.+27. Mäerz | 04. Juni

Formatioun Animateur A

D'Gemeng Schëffleng offrëiert och 2022 nees, an zesummenaarbecht mam Schëfflenger Jugendhaus, d'Formatioun Animateur A.

Mat dëser Formatioun kanns du spéider als Animateur un Aktivitéite fir Kanner a Jugendlecher an de Schoulvakanzene deelhuefen an zesumme mat de Responsablen Aktivitéiten organiséieren, duerchféieren an d'Participante begleeden.

D'Formatioun riicht sech un all interesséierte Jonken am Alter tëschent 15 a 26 Joer a fënnt zu Schëffleng an an der Ëmgéigend statt.

D'Formatioun gëtt vum Service National de la Jeunesse zertifizéiert.

Inhalt a Schwéierpunkte vun der Formatioun sinn:

- de Rôle vum Animateur
- Entwécklung vu Kanner a Jugendlechen
- Kommunikatioun
- Sécherheet & Risiken
- Handlungsméiglechkeeten a schwierege Situatiounen
- Ëmgang mat Konflikter
- Éischt Hëllef
- Gesond Ernährung
- Aktivitéitsspezifesch Input

A wat gëtt et soss neits am Jugendhaus?



LU _ D'Jugendhaus mécht elo Radio.

Vun November u si mer all 3. Samschdeg vum Mount vu 17h00-18h00 um "Radio Gutt Laun" ze héieren. Di ganz Sendung inklusiv Choix vun der Musek gëtt vun de Jonken aus dem Jugendhaus zesummegehallt. Wëlls du och eng Kéier dobäi sinn? Oder hues de en Thema iwwer dat s de schwätze wëlls oder iwwer dat mir schwätze sollen? Da mell dech bei eis, iwwer Instagram, Facebook, eis Homepage oder komm einfach an d'Jugendhaus laanscht.



LU _ Mir hunn eng nei Stagiaire.

D'Paula ass a sengem 2. Joer am CPSE zu Léck an ass vun Oktober bis Abrëll bei eis am Stage.




De 27. Oktober hunn ech mäi Stage am Jugendhaus ugefaangen. Ech léieren de Moment fir spezialiséierten Educateur ze ginn. Ech si geéiert mäi Stage mat jonke Leit ze maachen well wann ech mäin Ofschloss hunn ass et mäin Zil, di Jonk an hirem Alldag z'ënnerstëtzen. Ech reese gär a verbréngen Zäit mat de Leit, déi ech gär hunn. De Respekt vun de Mënschen an d'Ëmwelt si fir mech besonnesch wichteg.

Molconcours fir d'Kanner



LU — An dëser Rubrik kënnen d'Kanner an der Chrëschtvakanz no Loscht a Laun molen. Thema: Chrëschttag doheim! Déi ganz Kleng kënnen och dës Kleeschen faarweg molen.

Schéckt eis all är Biller op scc@schiffange.lu eran a gewannt e Präis!



**B.P. 11 Avenue de la Libération
L-3801**

info@schiffange.lu
www.schiffange.lu

